

У 567

АКАΘІСТЪ

СВЯТИТЕЛЮ И ЧУДОТВОРЦУ

МИТРОФАНУ

Память его Ноемврія 23



ПЕТРОГРАДЪ

210
567

АКАѢІСТЬ
СВЯТИТЕЛЮ И ЧУДОТВОРЦУ
МИТРОФАНУ

Память его Ноемврія 23

ИЗДАНИЕ ОДИННАЦАТОЕ

ПЕТРОГРАДЪ
СУНОДАЛЬНАЯ ТИПОГРАФІЯ
1915



По БЛАГОСЛОВЕНІЮ
Святѣйшаго Правительствующаго Синода.



2007339289





СТАЪ МИТРОФАНЪ

ВОРОНЕЖС ЧУДОТЪ



АКАѠІСТЬ

СВЯТИТЕЛЮ И ЧУДОТВОРЦУ МИТРОФАНУ,

ПЕРВОМУ ЕПИСКОПУ ВОРОНЕЖСКОМУ.

*На малый вечерни стихиры,
гласъ 1:*

Придите, православныя Рос-
сійскія Церкви чада, ублажимъ
святителя Христова Митрофана,
иже о малъ бывъ вѣренъ, надъ
многими поставленъ есть отъ
Небеснаго Домовладыки, да мо-

лится непрестанно о вѣрою почитающихъ приснославную память его. *Дважды.*

По достоянію о тебѣ, святителю Христовъ, радуемся и мощей твоихъ нетлѣніемъ хва́лимся: проливая бо отъ гроба твоего цѣлебныя струи, яко воды, миръ и благословеніе притекающимъ къ тебѣ подаеши, яко предстоятель горнія славы, имѣяй велию благодать у Христа Бога нашего.

На земли поживъ Ангельски, на небеси жити сподобился еси, и свыше на отечество твое призирая, низпосылаеши благодатныя дѣры, вѣрою и любовію всеславную твою память совершаю-

щымъ, изцѣляя болѣзни душевныя и тѣлесныя молитвами твоими.

Слава, гласъ 6:

Во всечестнѣй памяти твоей, пѣснями и пѣньми ликовствующе, Боголѣпно славимъ всяческихъ Господа Владыку, Иже, за многоплодное души твоея дѣланіе, многоплодную благодать чудотвореній дарова тебѣ, всеблаженне Митрофане, свыше: ты же моли избавитися отъ бѣдъ душамъ нашимъ.

На стиховни стіхиры, гласъ 5:

Имѣя свѣтилникъ ногама твоима законъ Христовъ, и во свѣ-

тѣ Божественныхъ повелѣній
Его непреткновенно ходя и по-
учаяся, жилище Пресвятыя Тро-
ицы, премудре Митрофане, былъ
еси. Отонюдуже и намъ крѣп-
кій защитникъ отъ Бога пока-
зался еси, злыя дѹхи силою
Святаго Духа прогоняяй.

Стихъ: Честна предъ Госпо-
демъ смерть преподобныхъ Его.

Съ православною Россійскою
Церковію, въ мирѣ православно
царствующаго Императора
утверди, и во днехъ его непре-
мѣняемое благополучіе даруй:
освященному же архіереевъ со-
бору, и твоего престола намѣ-
стникомъ, въ благолѣпное Бо-

жіихъ церквей устроєніе, молитвъ твоихъ, Митрофане, помощь низпосли, прося намъ грѣховъ оставленіе всѣмъ даровати и вєлію милость.

Стіхъ: Священницы Твои облекутся въ правду, и преподабніи Твои возрадуются.

Прізьри на славословіе поющихъ тя, и прилѣжныя, Митрофане, пріими отъ насъ молитвы, и принеси я къ Пренебесному Престолу Вседержителя, да немолчнымъ ходатайствомъ твоимъ спасеть дѹшы наша.

Тропарь, гласъ 4:

Правило вѣры и образъ кро-

тости словомъ и житіемъ паствѣ
твоей, отче смиренномудре Ми-
трофане, былъ еси. Тѣмже и во
свѣтлостехъ святыхъ, солнца
свѣтлѣйше возсіялъ еси, вѣнцемъ
нетлѣнія и славы украшаемъ.
Моли Христа Бога, благочести-
вѣйшему Императору наше-
му Николаю Алексан-
дровичу, всей державѣ его,
и граду твоему въ мирѣ спа-
стися.

*На велицѣй вечерни на Госпо-
ди, возвахъ стѣхирь, гласъ 8:*

Отче Богомудре Митрофане,
ты отъ юности возлюбилъ еси
взысканіе горняго міра премуд-

дрости, и егда пощеніемъ и молитвою отъ Бога стяжалъ еси ю, не въ земли сокрылъ еси талантъ свой, но уча и творя пастырски непрестанно, во сто кратъ оный умножилъ еси, и былъ еси іерархъ свѣтилникъ Церкви. Тѣмъ въ воздаяніе блаженнымъ трудомъ твоимъ, вшедъ нынѣ въ радость Господа своего Царя и Владыки, моли о душахъ нашихъ.

Отче преподобне Митрофане, ты плѣнивъ умъ и сердце свое въ послушаніе Богу, не о себѣ, но о славѣ Божіей радѣлъ еси: труждаяся бо въ дѣланіи мысленнаго винограда Хрістова,

всяку рѳзгу не творящую плода,
живо и дѣйствионо слова Божія
мечемъ отреблялъ еси, вѣру же
и чистыя нравы, Ангелонрав-
нымъ по Бозѣ житіемъ своимъ,
яко оплотомъ соблюдалъ еси.
И нынѣ вѣнцемъ нетлѣнія отъ
руки Господни украсівся, моли
о душахъ нашихъ.

Отче Богоносе Митрофане, ты
разумно правилъ еси вѣренное
тебѣ слово истины: стоя бо на
неусыпнѣй стражи дому Господ-
ня и бдя о душахъ недремлен-
но, паству свою угодити Богу
словомъ и дѣломъ наставлялъ
еси. Тѣмъ яко добрый пастырь,
Пастыреначалнику Сыну Божію,

о приставленіи Его слово благо
воздаль еси, моли о душахъ на-
шихъ.

Слава, гласъ 6:

Святителей удобреніе и от-
цевъ славу священнолѣдно вос-
поймъ днесъ, и Царя царей Хри-
ста Бога нашего восхвалимъ:
Сей бо, яко Освятитель святыхъ
и Творецъ чудотворцевъ, чудесъ
благолѣпиемъ того тако просла-
ви, яко царь и князи, архіерее
и священницы, и вси благовѣр-
ніи людіе, отъ честныхъ мощей
его, яко отъ многоцѣлебнаго ис-
точника благодать и изцѣленіе
пріемлюще, умилно глаголють:

радуйся, Божіихъ дарованій со-
кровище, Митрофане святителю
блаженне.

На літіи стіхиры, гласъ 5:

Таковъ намъ подобаше архі-
ерей, преподобенъ, праведенъ,
милостивъ и во всѣхъ оправда-
ніихъ Господнихъ непороченъ.
Приидите, пѣснями и псалмы ду-
ховными свѣтло ликовствуемъ
днесь, тому сице зовуще: радуй-
ся, отеческихъ обычаевъ ревни-
телю, стóлпе и утвержденіе вѣры:
радуйся, Воронежская похвалò,
Митрофане Богоносе священ-
нѣйшій.

Не плоть и кровь яви ты,

святителю Богоизбранне, но Отець Небесный, Ему же ты Божественною твоею кротостию угодивъ, яко агнецъ незлобивъ, чины незлобивыхъ въ лицѣ Ангельствѣмъ наслѣдилъ еси: и нынѣ въ горнихъ предстоя, моли даровати намъ множество щедротъ и велию милость.

По долгу блажимъ тя, яко свѣтилника вѣры и Ангела во плоти: понеже житіе твое, Митрофане, чѣстно, и усненіе со святыми. Просіялъ бо еси благими дѣлы, яко пастырь Богомудрый, чудеса же твоими просвѣтился еси, яко вѣрный слуга и другъ Божій. Тѣмже прина

дающе молимъ тя: молися за ны, чудотворче святой, ко Господу, да подасть душамъ нашимъ велию и богатую милость.

Слава, гласъ 8:

Днесъ красуется славный градъ Воронежъ Божественнымъ сокровищемъ мощей твоихъ, и обитель твоя ликовствующи радуется, и православнии твоимъ просвѣщеніемъ, блаженне Митрофане, хвѣлятся: ты же моли Императору нашему въ нерушимѣмъ здравіи долгоденствіе даровати, людямъ же его тишину, и земли плодородіе, и велию милость.

На стиховни стѣхиры, гласъ 2:

Кіими благоговѣйными усты
воспоймъ Митрофана, святителя
смиренна, смиренному Пастыре-
началнику подражателя, подви-
гомъ великихъ отцевъ Церкви
соучастника и высокимъ нра-
вомъ ихъ наслѣдника, мужа же-
ланій чїста, слугу Господня вѣр-
на, ревнителя уставовъ Церкви
непоколебїма? егоже вѣнчаетъ
Христосъ Богъ нашъ, имѣяй
множество щедротъ и велию ми-
лость.

Стихъ: Уста моя возглаго-
лють премудрость, и поученіе
сердца моего разумъ.

Кіими священными пѣснями
ублажѣмъ Митрофана, іерарха
Богомудра, Евангелскаго право-
славія наставника, воздержанія
учителя, Ангеловъ собесѣдника,
нищихъ и сиротъ питателя, оби-
димымъ заступника, и немощ-
ствующихъ врача преизрядна?
егоже вѣнчаетъ Христось Богъ
нашъ, имѣяй множество ще-
дротъ и велию милость.

Стіхъ: Услышите сія, вси
языцы, внушите, вси живущіи
по вселеннѣй.

Кіими похвалными вѣнцы
почтимъ Митрофана, пастыря
блаженна, Церкви свѣтилника,
града Воронежа славу, Россій-

стѣй Державѣ утвержденіе, ино-
чествующихъ образъ, священ-
ства вѣнецъ, іерарховъ свято-
лѣпное украшеніе? егоже вѣн-
чаетъ Христось Богъ нашъ,
имѣяй множество щедротъ и ве-
лію милость.

Слава, гласъ 5:

Срадуйтеся намъ, Россійстии
собѣри, днесь въ свѣтлѣй памяти
Богоноснаго отца нашего и па-
стыря, иже добрымъ житіемъ
своимъ вѣрно угодивъ Богу, и
во гробъ славою іераршескихъ
добродѣтелей своихъ сіяетъ, яко
свѣтило, подай отъ нетлѣннаго
сокровища мощей своихъ бла-

гоуханіе Святаго Духа. Тѣмже
убо сошедшеса, общій ликъ тому
составимъ, пѣснями Божествен-
ными зовуще: поминай насъ,
отче, и за ны Христу молися,
яко великій нашъ ходатаю, Ми-
трофане.

*По 1 стихословіи съдаленъ,
гласъ 8:*

Украсівъ душу твою добро-
дѣтелями и временнаго житія
поприще въ страсъ Божіи пре-
шедъ, обрѣлъ еси благодать
предъ Богомъ: Емуже съ лики
Ангель предстоя, моли, святе
Митрофане, даровати намъ жи-
вотъ вѣчный и велию милость.

Слава, и нынѣ, Богородиченъ:

Владычице, прими молитву
рабъ Твоихъ, и избави насъ
отъ всякія нѣжды и печали.

*По 2 стихословіи съдаленъ,
гласъ 2:*

Управивъ паству твою добрѣ,
слово благо Пастыреначалнику
Богу воздаль еси, и отъ рукѹ
Его праведное воздаяніе пріявъ,
моли, отче нашъ Митрофане, да
блаженнаго въ царствѣ святыхъ
пребыванія и насъ, ходатай-
ствомъ твоимъ, по богатѣй ми-
лости Своей сподобить.

Слава, и нынѣ, Богородиченъ:

Общую всѣхъ надежду, Дѣву
Пречистую, въ мольбу приво-
димъ Ти, Блаже: заступи насъ
отъ бѣдъ, подаждь благая вѣч-
ная и временная, моленіемъ
Честнѣйшія херувимовъ и всѣхъ
силъ небесныхъ.

По полгелее спдаленъ, гласъ 8:

О всѣхъ славныхъ, Церкви
святѣй благодатию Божіею отъ
тебе бываемыхъ, благодарствен-
ная Богу воздающе и Того Бо-
голюбное снисхождение славяще,
молимъ тя, святителю Христовъ
Митрофане, помози намъ обрѣ-

сти всѣмъ благодать и милость
въ день судный.

Слава, и нынѣ, Богородиченъ:

Ты едина еси корень дѣвства
и неувядаемый цвѣтъ чистоты,
Ты стерла еси главѹ змѣву: Ты
насъ избави отъ прегрѣшеній
нашихъ и душевныхъ сквернъ,
Богородице, и ко пристанищу
истиннаго покаянія направи.

Прокіменъ, гласъ 4:

Честна предъ Господемъ смерть
преподобныхъ Его.

Стихъ: Чтò воздамъ Госпо-
деви о всѣхъ, яже воздаде ми?

Евангеліе святительское.

*По 50-мъ псалмъ, стихира,
гласъ 6:*

Преподобне отче, всеблаженне
Митрофане, пастырю добрый,
угодниче Христовъ усердный,
скорый нашъ ходатаю и теплый
къ Богу молитвенниче, буди
намъ въ бѣдѣхъ нашихъ защит-
никъ и въ печалехъ утѣшитель,
память твою любовію почитаю-
щимъ.

КАНОНЪ.

Гласъ 8. Пѣснь 1. Ирмосъ:

Воду прошедь яко сушу и Египет-
скаго зла избѣжавъ, Израильтянинъ
вопіяше: Избавителю и Богу нашему
поймъ.

Отъ многихъ золь многого
унынія исполнени, къ тебѣ при-
бѣгаемъ, святителю Христовъ
Митрофане, и отъ тебе скорыя
помощи и заступленія нынѣ
требуемъ.

Страстей насъ брани сму-
щаютъ, пастырю преподобне:
ты же умири насъ твоимъ благо-
приятнымъ къ Богу ходатай-
ствомъ.

Отъ бѣдъ и скорбей насъ,
чудотворче святой, избавивъ,
мужественное въ добродѣтеляхъ
преспѣяніе всѣмъ даруй, да вси
о тебѣ, священнѣйшій Митро-
фане, радуемся.

Богородиченъ:

Молитву нашу пріими, Пречистая, и молитвою Твоею всемо́щною избавитися намъ отъ врагъ видимыхъ и невидимыхъ, отъ грѣховъ же и всякія мѹки, моли, Егоже родила еси, Человѣколюбца Бога.

Пѣснь 3. Ирмосъ:

Небеснаго круга Верхотворче Господи и Церкви Зиждителю, Ты мене утверди въ любви Твоей, желаній краю, вѣрныхъ утвержденіе, Едине Человѣколюбче.

Покровителя жизни нашея и молитвенника къ Богу почитаемъ ты, приснославный отче нашъ

Митрофане: на стезю насъ покаянія направи, архіереевъ красото и вѣрныхъ утверждение.

Молимъ душевное наше смущение и тму бѣсовскихъ наваждений въ насъ разорити: тебѣ бо, святе, дадеся благодать Святаго Духа злыя дѹхи прогоняти.

Недѹгующе тѣломъ, недѹгуемъ и душею, Богоблаженне, ты же не остави насъ во грѣсѣхъ нашихъ погибнути, но въ нихже и самъ яко человекъ искушаемъ былъ еси, и намъ искушаемымъ нынѣ помози.

Богородицѣ:

Вся Ангеловъ воинства, Пред-

тече Господень, Апостоловъ двонадесятице, святїи вси съ Богородицею, сотворите молитву, во еже спастися намъ.

Съдаленъ, гласъ 8:

Во святителствѣ благочестно
пожилъ еси, святителю Богояв-
ленне, люди къ Богоразумію сло-
вомъ и дѣломъ наставилъ еси,
и Богу до конца угодилъ еси.
Сего ради отъ Него нетлѣніемъ
и чудесы, отче Митрофане, по-
чтился еси, яко причастникъ
Божія благодати.

Слава, и нынѣ, Богородиченъ:

Мучениковъ, пророковъ, Апо-

столовъ, іерарховъ, преподобныхъ и святыхъ всѣхъ отъ вѣка праведныхъ похвала Ты еси, Пречистая: тѣмже Тя молимъ: молися съ ними ко Господу, да спасеть дѹшы наша.

Пѣснь 4. Ирмосъ:

Услышахъ, Господи, смотренія Твоего таинство, разумѣхъ дѣла Твоя и прославихъ Твое Божество.

Пламень погаси намъ плотскіхъ обуреваній и нечистыхъ нашихъ помышленій: да пламене геѣнскаго огня твоими молитвами, Митрофане, избавимся.

Душу и помышленіе къ тебѣ простираемъ, святителю Бого-

избранне: согрѣй нашу вѣру и любовь, яже къ Богу, да, закону Его усердно послѣдующе, прѣйдемъ поприще нашего спасенія непреткновенно.

Столпъ крѣпости стяжавше ты отъ Бога, отъ видимыхъ и невидимыхъ враговъ ограждаемъя тобою безбѣдно: тѣмже ты вси по долгу, Митрофане, ублажаемъ.

Богородицѣнъ:

Чертоже незаходимаго Свѣта, Дѣво, нѣсмы достойни чертога Небеснаго, грѣховныя ради вины: Ты же, Богородителнице, ради обнаженнаго на крестѣ

сладкаго Твоего Сына и благаго нашего Господа, покрый стыдъ лица нашего и спаси насъ.

Пѣснь 5. Ирмосъ:

Просвѣти насъ повелѣніи Твоими, Господи, и мѣшцею Твоею высокою, Твой миръ подаждь намъ, Человѣколюбче.

Молимъ ти ся и вопіемъ всеусердно: исполни, Боговдохновенне, веселія животъ нашъ, покрывая насъ крѣпкимъ покровомъ защищенія твоего отъ глада, язвы и междоусобныя брани, яко можеши, отче, аще хочеши.

Мракъ нашихъ заблужденій

и житейскія гордості, свѣтлостію
святыхъ молитвъ твоихъ, Ми-
трофане, прожені, да помощію
твоею грѣховъ оставленіе при-
имше, милость у Христа Бога
обращемъ.

На одрѣ немощи и унынія
низлежащу ми, подаждь руку
помощи, пастырю Боговозлю-
бленне, и не остави мя лишенна
быти твоего спасителнаго бла-
годатію Святаго Духа посѣщенія.

Богородицenz:

Чистѣйшая еси паче Ангел-
скихъ чинѡвъ, отъ Неяже Ис-
точникъ святыни воплотися насъ
ради, да освятить естество че-

ловѣческое: молитвами Твоими, Богородице, избави насъ отъ тмѣнїя * нечистыхъ нашихъ дѣланїй и неподобныхъ глаголанїй.

Пѣснь 6. Ирмосъ:

Молитву пролію ко Господу и Тому возвѣщу печали моя, яко золь душа моя исполнися, и животъ мой аду приближися, и молюся, яко Іона: отъ тли. Боже, возведи мя.

Граду твоему заступникъ бѣди и обители твоея хранитель, грады же и страны чтущихъ любовїю память твою, необоримымъ молитвъ твоихъ предстательствомъ огради, да вси тобою, Богомудре Митрофане, хвѣлимся.

* Блато, болото, топь.

Яко защитника ты отъ Бога
вѣдуще, власть на дусѣхъ не-
чистыхъ вѣлю имуща, молимъ
отъ злаго дѣйствія злыхъ ду-
ховъ наша дѣшны сохранить без-
навѣтны.

По долгу блажаты ты вѣрни,
радуйся, Митрофане, зовуще: ты
бо воистинну Россійстѣй Церкви
радованіе и похвала, імпера-
тору же ты чтущему на вся
враги одолѣніе, досточудне.

Богородиченъ:

Гору Ты мысленную и лѣствицу
Іаковлю пророцы нарицають,
ѣюже Богъ къ человѣкомъ сніде,
ногибшую драхму взыскати хотя,

юже обрѣтъ паки къ небеси
возводитъ. Тѣмже Тя вси, яко
Матерь Божию, православно ве-
личаемъ.

Кондакъ, гласъ 8:

Воздержаніемъ тѣло духу по-
работивъ, душу же равноангель-
ну сотворивъ, святительскою
одѣялся еси одеждею, яко вѣ-
нецъ священства: и нынѣ всѣхъ
Владыцѣ предстоя, моли, все-
блаженне Митрофане, умирити
и спасти дѣшны наша.

Икосъ:

Въ пустыни выотою смире-
номудрія, яко райскій цвѣтъ,

красуясь, и на Воронежскія церкве престолъ украсился еси высокими удобреніи, премудре: ибо былъ еси іерархъ, образъ вѣрнымъ словомъ и житіемъ. Тѣмже и Богъ яко угодника Своего вознесе тя, нетлѣніемъ и чудесы въ Церкви Своей прославляя, да вси вѣрою зовемъ ти: радуйся, Воронежская похвало, Митрофане приснопамятне.

Кондакъ 1.

Избранный чудотворче и изрядный угодниче Христовъ, многоцѣлебный источниче и моли-

твенниче о душахъ нашихъ, святителю отче Митрофане, яко имѣяи дерзновеніе ко Господу, отъ всякихъ насъ бѣдъ свободи зовущыя: радуйся, Митрофане, великій и преславный чудотворче.

Ікосъ 1.

Ангель земный и человекъ небесный былъ еси, святителю отче Митрофане: вперивъ бо умъ въ Божественная, вре-

менная и земная прене-
брегль еси: тѣмже и все-
лися въ тя Пресвятый
Духъ, Егоже благодатию
свѣтло украшенъ еси.
Сего ради тебѣ, на не-
беси и на земли просла-
вленному, вопіемъ сице:
Радуйся, яко чистотою
и святынею Ангеломъ
уподобился еси: радуйся,
яко постомъ и бдѣніемъ
безстрастія достигль еси.
Радуйся, свѣтилниче Бо-
жественнаго свѣта: ра-
дуйся, молитвъ благово-

ное кадило. Радуйся, вѣрныхъ непреложное утвержденіе: радуйся, невѣрныхъ Богомудренное обличеніе. Радуйся, Христіанъ непостыдное прибѣжище: радуйся, благочестія стѣнѣ необоримая. Радуйся, крѣпкое кормило Церкви Христовы: радуйся, непоколебимый стѣле православія. Радуйся, Апостольскихъ преданій вѣрный хранителю: радуйся, тайнъ Божіихъ истинный стро-

ителю. Радуйся, Митрофане, великійи преславный чудотворче.

Кондакъ 2.

Видяще отъ святыхъ
мощей твоихъ присно-
текущій источникъ из-
цѣлений, благоговѣнія
и радости исполнени,
благодаримъ Бога, див-
но прославляющаго свя-
тыя Своя, вопіюще Ему:
Аллилуіа.

Ікосъ 2.

Разумомъ просвѣщен-

нымъ свыше вразумляя
заблуждшыя, поборникъ
быль еси истинныя
Христовы Церкви, егда
въ царствующемъ гра-
дѣ Москвѣ суемудренніи
лжеучителіе на соборѣ
святителсъѣмъотверзо-
ша нечестивая уста своя
на ея хуленіе. Мы же,
отъмысленныхъволковъ
избавльшеся, вѣрновзы-
ваемъ ти: Радуйся, цѣв-
нице Духа Святаго, бря-
цающая славу Божию
во спасеніе человекомъ:

радуйся, грóме, сокрушающей еретическое злочестіе. Радуйся, молніе, попоаляющая плевелы невѣрія: радуйся, ясное зеркало Апостольскихъ преданій. Радуйся, немолчный благовѣстниче велѣній Христовыхъ: радуйся, вѣрный наставниче Богомудрія. Радуйся, монашествующихъ славо: радуйся, архіеревъ Божественное удобреніе. Радуйся, златозарное свѣтило, просвѣ-

щающееземлю Русскую:
радуйся, надежный ходá-
таю намъ Царствія Не-
беснаго. Радуйся, яко
твоимъ къ Богу молени-
емъ отъ ада свобождаем-
ся: радуйся, яко твоимъ
предстательствомъ рай-
скія жизни сподобляем-
ся. Радуйся, Митрофане,
великій и преславный
чудотворче.

Кондакъ 3.

Силъ Вышняго чудо-
дѣйствующей, никтоже

притекаяй къ тебѣ, пре-
блаженне отче, отходитъ
тощъ: недугующымъ бо
явился еси изцѣленіе,
слѣпымъ прозрѣніе, хро-
мымъ утвержденіе, и вси
благовѣрніи людіе ско-
раго тя помощника стя-
жавше, радостно Богу
воспѣвають: Аллилуіа.

Ікосъ 3.

Имѣяй въ сердцы сво-
емъ огнь любви Боже-
ственныя, спасенія ради
душъ человѣческихъ па-

стырски подвизался еси,
Богомудре, протіву коз-
ней діаволскихъ, и по-
бѣдителнымъ оружіемъ
креста разсѣкаль еси
сѣти лукаваго, яко па-
учіну. Тѣмже приими отъ
насъ пѣснь сію: Радуй-
ся, рабе Божій, благій
и вѣрный: радуйся, до-
стойный дѣлателью вер-
тограда Хрїстова. Ра-
дуйся, учителю смиренія
и цѣломудрія: радуйся,
образе кротости и по-
слушанія. Радуйся, мужу

желаній: радуйся, проповѣдниче чудесъ Божіихъ. Радуйся, наставниче дѣлъ добрыхъ: радуйся, твердое огражденіе Христовы Церкви. Радуйся, огневидный столбе, наставляяй на путь спасенія: радуйся, свѣтозарный свѣтилниче, вѣрныя просвѣщаяй. Радуйся, неизчерпаемый сосуде благодати Христовы: радуйся, чистое пріятелище Духа Святаго. Радуйся, Митрофане,

великій и преславный
чудотворче.

К он да к ъ 4.

Бурю мірскаго житія
и тягелоносныхъ страстей
вѣлны прешедъ, обрѣлъ
еси тихое пристанище,
и въ пустыню вселив-
ся, нелѣпно порабо-
талъ еси Христу во мно-
зѣ долготерпѣніи. Отню-
дуже руководилъ еси въ
Царствіе Божіе и духов-
ная чада своя, научивъ
ихъ едиными усты и еди-

нѣмъ сердцемъ пѣти
Богу: Аллилуіа.

Ікосъ 4.

Слышаще дивныя о
Бозѣ труды твоя, свя-
тителю отче Митрофане,
прихождаху къ тебѣ из-
далеча жаждущіи глаго-
ловъ живота вѣчнаго:
понеже ты училъ и тво-
рилъ еси, наставлялъ
словомъ и житіемъ сво-
имъ. Сего ради любовію
вопіемъ ти: Радуйся,
Апостоловъ преемниче:

радуйся, святителей со-
престолниче. Радуйся,
преподобныхъ собесѣд-
ниче: радуйся, правед-
ныхъ украшеніе. Радуй-
ся, вѣнче воздержанія:
радуйся, благосѣбноли-
ственное древо, потоками
райскими воспитанное.
Радуйся, безпомощныхъ
спасительное призрѣніе:
радуйся, цвѣтенетлѣнія.
Радуйся, яко отчужде-
ніемъ временныхъ благъ
стяжалъ еси блаженство
нищеты духовныя: ра-

дуйся, яко самоволнымъ
обнищаніемъ обрѣлъ еси
сокровище благъ вѣч-
ныхъ. Радуйся, яко во
глубину смиренія при-
никлъ еси: радуйся, яко
на высоту безстрастія
возшелъ еси. Радуйся,
Митрофане, великій и
преславный чудотворче.

Кондакъ 5.

Боготечнѣй звѣздѣ, пу-
теводившей древле волх-
вовъ къ Праведному
Солнцу, подобень былъ

еси, всехвалне отче, самъ
восходя благодатию Бо-
жіею отъ силы въ си-
лу и приводя съ собою
ко Хрісту Богу всѣхъ
ищущихъ спасенія. Тѣмъ-
же и мы, немерцающимъ
сіяніемъ славы твоея
озаряеми, согласно во-
піемъ Ему: Аллилуіа.

Ікосъ 5.

Видѣвше въ тебѣ Во-
ронежстїи людіе перва-
го архіпастыря, яко Ан-
гела, знаменіе небесныя

благодати носяща, воз-
радовашася радостію не-
изглаголанною: ты же,
добрѣ внимая себѣ и
всему стаду, въ немже
ты Духъ Святый поста-
ви епископа, паслъ еси
усердно Церковь Госпо-
да и Бога, яко слово
воздати хотя. Сего ради
ублажаемъ тя, отче Ми-
трофане, зовуще: Радуй-
ся, человѣче Божій, пре-
подобіемъ аки поясомъ
златымъ препоясанный:
радуйся, друзе Христовъ,

святительствомъ аки би-
серомъ драгимъ преукра-
шенный. Радуйся, воине
Христовъ непобѣдимый:
радуйся, страже дома
Божія неусыпный. Ра-
дуйся, восхожденія въ
сердцы своемъ къ небе-
си положивый: радуйся,
словесныя овцы Хри-
стовы на живоносныхъ
пáжитехъ воспитáвый.
Радуйся, яко не попу-
стилъ еси душетлѣнному
звѣрю расхитити стадо
твое: радуйся, яко отъ

Небеснаго Пастыреначалника праведное воздаяніе пріялъ еси. Радуйся, возлюбивый благолѣшіе дому Божія: радуйся, въ самѣмъ себѣ храмъ Трїипостасному Божеству уготовавый. Радуйся, яко во умерщвленнѣмъ тѣлеси ризою нетлѣнія одѣянъ еси: радуйся, яко изъ гроба зарею безсмертія насъ осіяваеши. Радуйся, Митрофане, великій и преславный чудотворче.

Кондакъ 6.

Словесъ Евангель-
скихъ, еже не скривати
себѣ сокровища на земли,
вѣрный блюститель по-
казался еси, всеблаженне
Митрофане, егда досто-
яніе свое мудрѣ расто-
чилъ еси, снабдѣвая убо-
гихъ, и способствуя бла-
говѣрному императору
Петру въ сооруженіи
кораблей на побѣжде-
ніе невѣрныхъ Агарянъ,

не вѣдущихъ пѣти: Ал-
лилуіа.

Ікосъ 6.

Возсія царству право-
славному благотворный
свѣтъ великихъ добро-
дѣтелей твоихъ, свети-
телю отче Митрофане,
о нихже благодаряще
Отца Небеснаго, къ тебѣ,
яко къ присному о насъ
молитвеннику, взываемъ
сице: Радуйся, настав-
ниче цѣломудрія: радуй-
ся, смиренія Христова

истинный подражателю.
Радуйся, олтаря Господ-
ня благоговѣйный слу-
жителю: радуйся, свя-
тителей украшеніе. Ра-
дуйся, иноческаго равно-
ангельнаго житія рев-
нителю: радуйся, без-
молвія древнихъ Бого-
носныхъ отецъ подра-
жателю. Радуйся, мило-
сти струя неизсякаемая:
радуйся, благоутробія
хранилище неоскудное.
Радуйся, сирыхъ бла-
гонадежное пристани-

ще: радуйся, вдовиць
скорое заступленіе. Ра-
дуйся, множество душъ
уневѣстивый Хрісту: ра-
дуйся, купно съ ними
пребываяй въ радости
Господатвоего. Радуйся,
Митрофане, великій и
преславный чудотворче.

К он да к ъ 7.

Хотящу нѣкогда бла-
говѣрному імператору
Петру бесѣдовати съ
тобою, призванъ былъ
еси во дворъ царскій:

егда же внезапно узрѣлъ
о́крестъ его изваяніа язы-
ческая, абіе возвратился
еси вспять, не убоявся
прещенія царѣва, и го-
товъ былъ еси душу свою
положити паче, неже рас-
тлити мысленныя очи
сердца своего неподоб-
нымъ видѣніемъ, научая
вѣрныхъ Единому Живо-
му Богу пѣти: Алли-
луіа.

Ікосъ 7.

Новаго тя по благо-

честію ревнителя по-
знавъ благовѣрный царь,
и видя небоязненное твое
на смерть изволеніе, по-
велъ суетная изваянія
низринуть. Мы же, свя-
тому дерзновенію твоему
чудящися, вопіемъ: Ра-
дуйся, непреклонный ис-
повѣдникъ православія:
радуйся, ревностный за-
щитникъ благочестія. Ра-
дуйся, священнотайн-
никъ благодати: радуйся,
велегласный проповѣд-
никъ покаянія. Радуйся,

Апостоловъ немолчная уста: радуйся Церкви непоколебимый столпе. Радуйся, пастырю добрый: радуйся, яко непричастень явился еси лицепрiятiю. Радуйся, яко истину не обинуяся свидѣлствовалъ еси: радуйся, яко твоимъ пособiемъ сокрушаются козни вражiя. Радуйся, яко всѣмъ вѣрнымъ воспоминанiе твое пресладко: радуйся, яко всей Церкви Христовой имя твое

пречестно. Радуйся, Митрофане, великій и преславный чудотворче.

Кондакъ 8.

Странное и преславное чудо благодати небесныя является нынѣ во очію всѣхъ вѣрныхъ: долготерпѣливый и многомилостивый Господь не прогнѣвася на ны до конца за беззаконія наша, но помянувъ щедробы Своя, дарова намъ тебе, досточудне отче.

заступника изрядна, и тако вознесе рогъ спасенія нашего, да выну поемъ Ему: Аллилуіа.

Ікосъ 8.

Весь есивъвышнихъ,
но и нижнихъ не оста-
вляеши, святителю отче
Митрофане, присно со
Христомъ царствуеши,
и о насъ грѣшныхъ мо-
литвы къ Нему возсы-
лаеши: не точію бо при-
падающихъ къ цѣлбо-
носнымъ мощемъ тво-

имъ, но и далече отстоящихъ, призывающихъ же всечестно́е имя твое, предстательствомъ твоимъ соблюдаеши отъ всякаго зла. Тѣмъ же во умиленіи зовемъ ти: Радуйся, прибѣжище наше во всѣхъ скорбехъ: радуйся, скорый помощниче всѣхъ въ бѣда́хъ сущихъ. Радуйся, цѣлителю болѣзней душевныхъ вкупѣ и тѣлесныхъ: радуйся, на невидимыя враги наша сильный поборниче.

Радуйся, посѣтителю въ
немощи лежащихъ: ра-
дуйся, утѣшителю въ
бѣдахъ сущихъ. Радуй-
ся, яко тобою престаесть
рыданіе: радуйся, яко то-
бою подается радость.
Радуйся, яко Хрісту
дѣлательственно послѣдо-
валъ еси: радуйся, яко
Сладчайшему Іисусу до
конца послужилъ еси.
Радуйся, яко наслаждае-
шися лицезрѣнію Бо-
жія: радуйся, яко спо-
добился еси зрѣти нече-

черній день Царствія
Его. Радуйся, Митро-
фане, великій и преслав-
ный чудотворче.

Кондакъ 9.

Всякія скорби и тру-
ды дѣлѣ ственно претер-
пѣлъ еси, шествуя по
пути спасенія до масти-
тыя старости, облеченъ
во всеоружіе Божіе, во
плоти аки безплотенъ
умерщвляя страсти и
сокрушая навѣты міро-
держителя тмы вѣка

сего. Тѣмже небеснымъ
сопричисленъ силамъ,
купно съ ними воспѣ-
ваеши Богу: Аллилуіа.

Ікосъ 9.

Вѣтіи многовѣщан-
ніи недоумѣють изобра-
зити обилія любве твоея,
еюже, отходя ко Твор-
цу, преисполненъ былъ
еси къ чадомъ твоимъ
о Господѣ: восхотѣвъ
бо и по отшествіи сво-
емъ присно поучати ихъ,
яко живой, завѣщаль

еси имъ вся потребная
ко спасенію. Сего ради
изъ глубины сердець во-
піемъ ти: Радуйся, бла-
гочестно теченіе скон-
чавый: радуйся, вѣру
соблюдый всецѣлу. Ра-
дуйся, оружіемъ благо-
воленія Божія вѣнчан-
ный на земли: радуйся,
вѣнцемъ нетлѣнія укра-
шенный на небеси. Ра-
дуйся, добу величіемъ
чудесь блистающій: ра-
дуйся, горѣ лучами Три-
солнечнаго Свѣта осія-

ваемый. Радуйся, яко въ пресвѣтлыхъ райскихъ обителехъ вселяеши: радуйся, яко лицемъ къ лицу Божественнаго Свѣта причащаеши. Радуйся, яко съ небесныхъ высотъ на мольбы наша призираеши: радуйся, яко въ сѣнихъ и видѣніихъ во благо намъ являеши. Радуйся, яко молитвами твоими отъ вѣчнаго освобождается: радуйся, яко предста-

телствомъ твоимъ без-
конечныя жизни спо-
добляемся. Радуйся, Ми-
трофане, великій и пре-
славный чудотворче.

К о н д а к ъ 10.

Иже всѣмъ человѣ-
комъ хотяи спастися
и въ разумъ истины
пріити, Господь и Богъ
нашъ Іисусъ Христосъ
явилъ намъ нетлѣнное
тѣло твое на земли,
яко живоносную купѣль,
врачующую всяку бо-

лѣзнь и всяку язю*
въ людехъ. Тѣмже благо-
дарственно вопіемъ Ему:
Аллилуіа.

Ікосъ 10.

Стѣна еси спасенія
прибѣгающимъ къ тебѣ,
святителю Митрофане, и
въ бываемыхъ отъ тебе
знаменіихъ исповѣдаю-
щимъ величіе Божіе. Се-
го ради, ущѣдрени тво-
имъ чудодѣйственнымъ о
насъ ко Хрісту Богу хо-

* немощь

датайствомъ, вопіемъ ти:
Радуйся, царей благоче-
стивыхъ поборниче: ра-
дуйся, архіереевъ пра-
вославныхъ укрѣпленіе.
Радуйся, царства пра-
вославнаго защитниче:
радуйся, Церкви святѣй
утвержденіе. Радуйся,
прежде смерти умертви-
вый плоть свою: радуй-
ся, предвкусивый жизнь
вѣчную, прежде внитія
въ селенія райская. Ра-
дуйся, умершій міру
прежде кончины твоея:

радуйся, воскресый духомъ во Христѣ, прежде успенія твоего. Радуйся, яко отъ обители земныя во обитель небесную преселился еси: радуйся, яко отъ обители небесныя во обители земныя благодворя нисходиши. Радуйся, яко и по отшествіи твоємъ съ нами пребываеши: радуйся, яко и по умертвіи твоємъ умерщвленныя грѣхами дѹшы молитвами твоими оживляеши.

Радуйся, Митрофане, великій и преславный чудотворче.

Кондакъ 11.

Пѣніе приносимое нынѣ, аще бы и превыше человѣческаго было, не довѣло бы къ славо-словію Бога, даровавшаго тебѣ благодать изцѣленій. Сего ради недоумѣюще благохвалити Его по достоянію, смиренномудренно вопіемъ: Аллилуіа.

І к о с ь 11.

Свѣтоподателна свѣ-
тилника, просвѣщающа-
го дѹшы наша вѣрою ви-
димъ тебе, преблаженне
отче, предъ Престоломъ
Божіимъ стояща, и тво-
имъ блистаніемъ озаряе-
ми, зовемъ ти таковая:
Радуйся, пастырю пре-
дивный: радуйся, учите-
лю премудрый. Радуйся,
стѣлпе вѣры непоколе-
бимый: радуйся, насади-
телю благихъ. Радуйся,

чистоты селеніе: радуйся, печальныхъ утѣшеніе. Радуйся, сирыхъ питателю: радуйся, обидимыхъ предстателю. Радуйся, премудрости Божія пріятелище: радуйся, источниче неизчерпаемая благодати изцѣленій. Радуйся, провозвѣстниче Божественныхъ велѣній: радуйся, сокровище милосердія Божія неистощимое. Радуйся, Митрофане, великій и преславный чудотворче.

Кондакъ 12.

Благодать свыше ти
данную познавше, благо-
говѣйно лобызаемъ свя-
толѣпное изображеніе
всечестнаго лица твоего,
еже благоволилъ еси див-
но явити намъ. Тѣмже
благодарственно вопіемъ
Христу Богу нашему:
Аллилуіа.

Ікосъ 12.

Поюще твое къ Бо-
гу отшествіе, святителю

Митрофане, почитаемъ
священную память твою,
величаемъ ревность по
Бозѣ, хва́лимъ долготер-
пѣніе, славимъ незлобіе
и ублажаемъ кончину
твою: на смертнѣмъ бо
одрѣ возлежа, желаніемъ
возжелалъ облещися въ
великій Ангельскій об-
разъ, нареченъ былъ Ма-
каріемъ, блаженства те-
зоименитымъ, блаженъ
бывъ воистинну, яко
Царствіе Небесное на-
слѣдовалъ еси. Тѣмже

молящися усердно, о еже сподобитися и намъ неосужденно предстати на страшное судище Христова, взываемъ ти: Радуйся, у Престола Божія теплый о насъ предста-телю: радуйся, мужу желаній, прославивый Бога въ тѣлеси и въ души своей. Радуйся, добропобѣдный воине Царя Небеснаго: радуйся, вождю премудрый ратующимъ противу силъ адовыхъ. Радуйся, яко

съ горящимъ свѣтил-
никомъ срѣтилъ еси
Христа: радуйся, яко отъ
Него благодать изцѣле-
ній пріялъ еси. Радуй-
ся, яко благоволеніемъ
Пресвятыя Богородицы
возвеличенъ еси: радуй-
ся, яко во свѣтлостехъ
святыхъ пребываеши.
Радуйся, яко со проро-
ки и Апостолы ликов-
ствѣеши: радуйся, яко
со святители и муче-
ники прославленъ еси.
Радуйся, яко съ препо-

добными и праведными
веселишися: радуйся, яко
со всѣми избранными
Божіими присно торже-
ствуеши. Радуйся, Ми-
трофане, великій и пре-
славный чудотворче.

Кондакъ 13.

О, великій и пречуд-
ный отче Митрофане,
пріими благоутробно сіе
малое моленіе наше, и
твоимъ благопріятнымъ
ходатайствомъ избави
насъ отъ всѣхъ врагъ

ВИДИМЫХЪ И НЕВИДИ-
МЫХЪ, ОТЪ ВСЯКІЯ НАПАСТИ
И СКОРБИ, ОТЪ НАПРАСНЫЯ
СМЕРТИ И БУДУЩІЯ МЪКИ,
ДА СПОДОБИМСЯ СЪ ТОБОЮ
И СО ВСЪМИ СВЯТЫМИ ВО
ВЪКИ ВОСПѢВАТИ БОГУ
СПАСИТЕЛЮ НАШЕМУ: АЛ-
ЛИЛУІА. *Трижды.*

Таже ікосъ 1, и кондакъ 1.

Пѣснь 7. Ирмосъ:

Отъ Іудей дошедше, ѳтроцы въ Ва-
вулонѣ иногда, вѣрою Троическою пла-
мень печный попраша, поюще: от-
цевъ Боже, благословенъ еси.

Насъ обновити хотя и наше-

му спасенію, Спа́се, благопо-
спѣшити, Ты новаго Церкви
Своей воздвигль еси свѣтил-
ника, Митрофана, къ Тебѣ зо-
вуца: отцевъ Боже, благосло-
вень еси.

Человѣколюбца Спаса о насъ,
святителю Христовъ, умоли, раз-
рѣшиться намъ отъ прегрѣшеній
нашихъ и душевныхъ сквернъ,
да мы Тому, яко Всесилному
Избавителю, зовемъ: отцевъ
Боже, благословень еси.

Въ славу Божию одѣянный
святитель и чудотворецъ намъ
отъ Бога показался еси, Митро-
фане всехвалне, да свѣтлостьми
чудесъ твоихъ паче солнечныхъ

лучь озаряеми, зовемъ дивная
тобою Совершающему: отцевъ
Боже, благословенъ еси.

Богородиченъ:

Великая дарованія Тобою отъ
Господа пріяхомъ, Дѣво Пречи-
стая: сего ради благодарствен-
ное пѣніе приносимъ Ти и зо-
вемъ: благословенна Ты въ же-
нахъ еси, Всенепорочная Вла-
дычице.

Пѣснь 8. Ирмосъ:

Царя Небеснаго, Егоже поютъ вси
Ангельстїи, хвалите и превозносите
во вся вѣки.

Къ честнымъ мощемъ твоимъ,
якокъ необоримому покрову при-

бѣгающе, немолчнаго твоего ходатайства, Богоносе преподобне, просимъ: ты же не прѣзри, иже отъ тебе требующихъ помощи, но услыши и заступй всѣхъ поющихъ тя и превозносящихъ Христа во вѣки.

Тѣлесныя слабости и душевныя недуги силою молитвъ твоихъ благодатно премѣняя, премѣни, отче Митрофане, всякое неможеніе поющимъ тя и превозносящимъ Христа во вѣки.

Плачущымъ ты слѣзы отираеши, пастырю преблаженне, и бѣдствующымъ подаеши рѹку спасенія отъ Бога: тѣмже и насъ у Престола Владычня по-

мѣни, вѣрою поющихъ тя и
превозносящихъ Христа во вѣки.

Богородиченъ:

Величаемъ Твое твердое за-
ступленіе, исповѣдуемъ матернія
Твоя молитвы силу, благода-
римъ возвеличившаго Тя Госпо-
да рождшагося отъ Тебе, Бого-
мати, Егоже моли спастися ду-
шамъ нашимъ.

Пѣснь 9. Ирмосъ:

Воистинну' Богородицу Тя исповѣ-
дуемъ, спасенніи Тобою, Дѣво Чи-
стая, съ безплотными лики Тя вели-
чающе.

Ты, Иже въ домѣ Твоемъ угод-

никовъ Твоихъ насаждаеши, яко ма́слины и яко кедры, Спа́се, Митро́фана угодника Твоего моленіемъ, насади въ насъ добродѣтельное житіе, да во время свое принесемъ Ти плоды покаянія.

Со Ангелы, служителю Святѣй Троицѣ, Митро́фане премудре, радуйся, и намъ вѣрою блажащымъ тя подаждь молитвами твоими о Ду́сѣ Свѣтѣ радоватися.

Аще и нѣмощни есмы, и премного согрѣшаемъ недостойніи, но не отступаемъ надежды мощнаго покрѣва твоего, достославне: ты же, Хри́сту Богу моляся,

помози намъ обрѣсти всѣмъ съ
лики праведныхъ стояніе въ день
судный.

На мѣстѣ озлобленія немощи
смирившемуся, удивіи молитвъ
твоихъ силу, чудотворче святыи
Митрофане, и по даннѣй тебѣ
цѣльбѣ благодати, нездравіе мое
во здравіе премѣни.

Богородицѣ:

Упованіе и радосте наша,
Маріе Богоневѣстная, покрый
насъ честнымъ Твоимъ омофо-
ромъ, да хвалимъ непрестанно
имя Твое и поемъ съ безплот-
ными лики Тя величающе.

Свѣтилени:

Свѣтозарна свѣтилника вѣры, Божественно и преславно отъ Свѣтоначалныя Троицы возсіявша, и насъ солнца свѣтлѣйше чудеса своими просвѣтивша, Митрофана пастыря блаженна пѣсньми восхвалимъ.

Богородичени:

Богородице Дѣво, радуйся, отъ Ангела радость приимшая. Радуйся, Владычице, и спаси на Тя уповающыя.

На хвалитехъ стихиры, гласъ 8:

Тѣсенъ путь въ житіи твоємъ, преподобне Митрофане, прешель

еси, подвигомъ добрымъ въ пустыни подвижаяся, и теченіе благое во святителствѣ совершая, Богу же всею душею работая и до конца угождая вѣрно, яко сосудъ Богоизбранный. Тѣмъ пространное обрѣлъ еси воздаяніе у Праведнаго Мздовоздателя и Царя святыхъ Господа, Емуже, святе, молися, миръ Россійстѣй Церкви даровати и душамъ нашимъ велю милость.

Житіе чистое, терпѣніе, кротость и любовь нелицемѣрну, воздержаніе совершенное, умиленіе Божественное, вѣру же и надежду истинну, и милосердіе

стяжавъ, равноангельно, Митрофане, на земли пожилъ еси и на небеси съ лики Ангель предстоиши, съ нимиже, святе, молися, миръ Россійстѣй Церкви даровати и душамъ нашимъ велію милость.

Божественною благодатию Святаго Духа просвѣтився, и по смерти благодатное милости муро отъ честныхъ твоихъ и многоцѣлебныхъ мощей источаеши. Тѣмъ по долгу о тебѣ, Митрофане, радуемся, и память твою священнолѣбно совершающе, священнолѣбными пѣснями зовемъ ти: слава Давшему ти крѣпость, слава Вѣнчавшему ты,

слава Дѣйствующему тобою
всѣмъ изцѣленія.

Слава: гласъ 6:

Благій и вѣрный рабе, усерд-
ный дѣлателью винограда Хри-
стова, ты, яко добрый пастырь,
варъ * и тяготу дневную по-
неслъ еси, уча словесныя овцы
сердцемъ вѣровати въ правду,
усты же исповѣдати во спасе-
ніе: тѣмже и Богъ яко избран-
наго Своего вознесе тя, и па-
мять твою, досточудне Митро-
фане, прослави. Ты же непре-
станно молися, испроси і м п е

* жарь, солнечный зной

ратору нашему миръ и долгоденствіе, людямъ же его въ добродѣтеляхъ преспѣяніе и велию милость.

МОЛИТВА ПЕРВАЯ,
ИЖЕ ВО СВЯТЫХЪ ОТЦУ НАШЕМУ
МИТРОФАНУ.

Святителю отче Митрофане, нетлѣніемъ честныхъ мощей твоихъ и многими благодѣяньми, чудесно содѣянными и

содѣваемыми тобою, съ
вѣрою къ тебѣ прите-
кающимъ, увѣрившеся,
яко ѿмаши велию благо-
дать у Господа Бога на-
шего, всемирно при-
падаемъ вси и молимся
тебѣ: моли о насъ Хри-
ста Бога нашего, да низ-
послетъ всѣмъ чтущимъ
святую память твою и
усердно къ тебѣ прибѣ-
гающимъ богатыя ми-
лости Своя: да утвердитъ

во Святѣй Своей право-
славнѣй Церкви живой
духъ правыя вѣры и бла-
гочестія, духъ вѣдѣнія
и любвѣ, духъ мира и
радости о Дусѣ Святѣ,
да вси члены ея, чисти
отъ мірскіхъ искушеній
и плотскіхъ похотей и
злаго дѣйствія злыхъ ду-
ховъ, духомъ и исти-
ною поклоняются Ему
и усердно пекутся о со-
блюденіи заповѣдій Его,

ко спасенію душъ своихъ. Пастыремъ ея да дасть святую ревность попеченія о спасеніи людій, имъ ввѣренныхъ, да невѣрующихъ просвѣтятъ, невѣдущихъ наставятъ, сомнѣвающихся вразумятъ и удостовѣрятъ, отпадшихъ отъ православныя Церкви обратятъ въ святая нѣдра ея, вѣрующихъ соблюдутъ въ вѣрѣ, грѣш-

ныхъ подвигнутьъ къ покаянію, кающихся утѣшатъ и укрѣпятъ въ исправленіи жизни, раскаявшихся и исправившихся утвердятъ въ святости жизни: и тако всѣхъ введутъ указаннымъ отъ Него путемъ въ уготованное вѣчное Царство святыхъ Его. Благочестивѣйшему же самодержавнѣйшему великому государю нашему

імператору Николаю Александровичу, да даруєть мужество, мудрость, одолѣніе на вся враги, благопоспѣшеніе въ устроєніи благоденствія царства его, и всему августѣйшему дому его радость и долгоденствіе: избраннымъ отъ него для управленія и суда царства его, да низпослетъ усердіе, прозорлівость,

мудрость и вѣрность,
да управляютъ и сѹ-
дятъ къ спокойствію
и радости всѣхъ: всѣмъ
же въ державѣ его лю-
демъ да даруетъ миръ, ти-
шину, безмятежіе, усер-
діе въ исполненіи запо-
вѣдй Его, установленій
Святыя Церкви и закона
гражданскаго, и изобиліе
въ потребнѣмъ для жиз-
ни сея: и да избавитъ цар-
ствующыя грады, градъ

сей, и вся иныя грады
царства его и веси отъ
глада, труса, потопа,
огня, меча, нашествія
иноплеменныхъ, между-
усобныя брани, смер-
тоносныя язвы и отъ
всякаго зла. Ей, свя-
тителю Божій, да устро-
иши молитвами твоими
вся благая душамъ и
тѣлесемъ нашимъ: да и
мы прославимъ въ ду-
шахъ и тѣлесѣхъ на-

шихъ Господа и Бога
нашего Иисуса Христа,
Емуже со Отцемъ и Свя-
тымъ Духомъ слава и
держава во вѣки вѣ-
ковъ. Аминь.

МОЛИТВА ВТОРАЯ.

О, всехвалный святи-
телю Христовъ и чудо-
творче Митрофане, при-
ими сіе малое моленіе

отъ насъ грѣшныхъ къ
тебѣ прибѣгающихъ, и
теплымъ твоимъ пред-
стателствомъ умоли Го-
спода и Бога нашего
Иисуса Христа, яко да
призрѣвъ на ны мило-
стивно, даруетъ намъ со-
грѣшеній нашихъ воль-
ныхъ и невольныхъ про-
щение, и повелицѣй Своей
милости избавитъ насъ
отъ бѣдъ, печалей, скор-
би и болѣзней душев-

ныхъ и тѣлесныхъ, об-
державшихъ ны: да по-
дастъ земли плодоносіе,
и вся яже на пользу
настоящаго житія наше-
го потребная. Дадáруетъ
намъ скончати житіе сіе
привременное въ покая-
ніи, и да сподобитъ насъ
грѣшныхъ и недостой-
ныхъ Небеснаго Царствія
Своего, со всѣми свя-
тыми славити Его без-
конечное милосердіе, со

Безначалнымъ Его От-
цемъ и Святымъ и Жи-
вотворящимъ Его Ду-
хомъ, во вѣки вѣковъ.
Аминь.



ВЪ СУНОДАЛЬНЫХЪ КНИЖНЫХЪ ЛАВКАХЪ ВЪ ПЕТРОГРАДѢ И МОСКВѢ

НАХОДЯТСЯ ВЪ ПРОДАЖѢ

АКАѦИСТЫ

НА СЛАВЯНСКОМЪ ЯЗЫКѢ:

Живонсному Гробу и Воскр.
Господню. Церк. печ., съ кин.,
въ 8 д. Пгр., въ бумаж. 25 к.

То же, въ 32 д. Пгр., въ бу-
маж. 15 к., въ коленк. 35 к.

То же, безъ кин. М., въ бу-
маж. 8 к.

Гражд. печ., въ 8 д. Пгр., въ
бумаж. 25 к.

То же, въ 32 д. Пгр., въ бу-
маж. 15 к., въ коленк. 35 к.

Пресвятѣи и Животворящей
Троицѣ. Церк. печ., съ кин., въ
8 д. Пгр., въ бумаж. 25 к.

То же, въ 32 д. Пгр., въ
бумаж. 15 к., въ коленк. 35 к.

То же, безъ кин. М., въ бум.
8 к.

Гражд. печ., въ 8 д. Пгр., въ
бумаж. 25 к.

То же, въ 32 д. Пгр., въ бу-
маж. 15 к., въ коленк. 35 к.

Божественнымъ Страстямъ Хри-
стовымъ. Церк. печ. съ кин.,
въ 8 д. Пгр., въ бумаж. 25 к.

То же, въ 32 д. Пгр., въ
бумаж. 15 к., въ коленк. 35 к.

То же, безъ кин. М., въ
бум. 8 к.

Гражд. печ., въ 8 д. Пгр.,
въ бумаж. 25 к.

То же, въ 32 д. Пгр., въ
бумаж. 15 к., въ коленк. 35 к.

Иисусу Сладчайшему. Церк.
печ., въ 32 д., безъ кин. М.,
въ бумаж. 8 к.

Покрову Пресвятыя Богоро-
дицы. Церк. печ., съ кин.,
въ 8 д. Пгр., въ бумаж. 25 к.

То же, въ 32 д. Пгр., въ
бумаж. 15 к., въ коленк. 35 к.

Гражд. печ., въ 8 д. Пгр.,
въ бумаж. 25 к.

То же, въ 32 д. Пгр., въ
бумаж. 15 к., въ коленк. 35 к.

Успению Пресвятыя Богоро-
дицы. Церк. печ., съ кин., въ
32 д. М., въ бумаж. 15 к.,
въ коленк. 35 к.

Гражд. печ., въ 32 д. М.,
въ бумаж. 15 к., въ коленк.
35 к.

Св. Архангелу Михаилу. Церк.
печ., съ кин., въ 8 д. Пгр.,
въ бумаж. 25 к.

То же, въ 32 д. Пгр., въ
бумаж. 15 к., въ коленк.
35 к.

Гражд. печ., въ 8 д. Пгр.,
въ бумаж. 25 к.

То же, въ 32 д. Пгр., въ
бумаж. 15 к., въ коленк. 35 к.

То же, въ 32 д. Пгр., въ
бумаж. 15 к., въ коленк. 35 к.

Свят. Николаю, Мурлякйскому чудотворцу. Церк. печ., съ кн., въ 32 д. М., въ бумаж. 15 к., въ коленк. 35 к.

Гражд. печ., въ 32 д. Пгр. и М., въ бумаж. 15 к., въ коленк. 35 к.

Св. Великомучениць Варварѣ. Церк. печ., съ кн., въ 32 д. М., въ бумаж. 15 к., въ коленк. 35 к.

Гражд. печ., въ 32 д. М., въ бумаж. 15 к., въ коленк. 35 к.

Преподобному Сергію Радонежскому. Церк. печ., съ кн., въ 32 д. М., въ бумаж. 15 к., въ коленк. 35 к.

Гражд. печ., въ 32 д. М., въ бумаж. 15 к., въ коленк. 35 к.

Святителю и чудотворцу Митрофану. Церк. печ., съ кн., въ 8 д. Пгр., въ бумаж. 25 к.

То же, въ 32 д. Пгр., въ бумаж. 15 к., въ коленк. 35 к.

Гражд. печ., въ 8 д. Пгр., въ бумаж. 25 к.

То же, въ 32 д. Пгр., въ бумаж. 15 к., въ коленк. 35 к.

Св. Великомученику Георгію. Церк. печ., съ кн., въ 8 д. Пгр., въ бумаж. 25 к.

То же, въ 32 д. Пгр., въ бумаж. 15 к., въ коленк. 35 к.

Гражд. печ., въ 8 д. Пгр., бумаж. 25 к.

То же, въ 32 д. Пгр., въ бумаж. 15 к., въ коленк. 35 к.

Св. учител. Словен. Меводио и Кирилу. Церковной печ., въ 8 д. Пгр., въ бумаж. 10 к.

Св. Варсоноію, Казанск. чудотворцу. Церк. печ., въ 4 д. Пгр., 1860 г., въ бумаж. 20 к.

Св. Гурію, Казанскому чудотворцу. Церк. печ., въ 4 д. Пгр., 1860 г., въ бумаж. 20 к.

Св. Григорію, иже на Пельшмѣ рѣцѣ, Вологодскому чудотворцу. Церк. печ., въ 8 д. Пгр., 1896 г., въ бумаж. 25 к.

То же, 32 д. Пгр., въ бумаж. 15 к., въ коленк. 35 к.

Ко Причащенію Божественныхъ Таинъ, самѣмъ токмо Іереомъ приличный (для священниковъ). Церк. печ., въ 8 д. Пгр., въ бумаж. 25 к.

Полное собраніе акаѣистовъ церк. печ.; въ 32 д., безъ кн. съ свѣц. изображен. Томъ I-й 30 к., т. II-й, 45 к. и т. III-й, кн. 1-я, 65 к. и кн. 2-я, 80 к. Во всѣхъ томахъ помещено 38 акаѣистовъ, продающихся и отдѣльно по 8 к. каждый.